

藏園群書題記

江安傅增湘記

寫本菰中隨筆跋

菰中隨筆三卷。題東吳顧炎武寧人父著。後附詩律蒙告一卷。及亭林著書目。黃蕘圃家鈔本。前有同學王漢等二十人。爲亭林徵書啓。書衣爲蕘翁手題。後有跋六行。別有曲阜孔憲庚跋。孔憲彝跋。葉名澧何慶涵題字。副葉粘有何慶涵小柬。蓋煖叟之子。曾假此本錄副也。

按菰中隨筆。有玉虹樓刻本。近時亭林遺書中復刊之。然核其文字。迥然不同。且祇得一卷。當別爲一書。據四庫存目。標明三卷。此本正與之合。蓋先生讀書所得。隨手摘記。所以備遺忘。供采擇。文字叢脞。初無義例。平生劄錄。必不止一冊。四庫館臣所見。當即此本。而玉虹樓所刻。亦非贗品也。故人吳松隣。曾爲考訂始末。附志篇末。並屬余刊傳之。他時當校錄一通。授之梓人。附諸雙鑑樓叢書之後。以償此宿諾。茲將諸人跋語。錄之左方。其徵書啓。著書目。亦臚列其後。庶治顧氏學者。得以參證焉。

右菰中隨筆三卷。詩律蒙告一卷。亭林著書目一卷。俱未梓行者。余於學餘書肆中見之。擬買而未許也。爰假歸。倩鈔胥錄此副本。略取舊鈔本校對一過。至舊鈔本之訛謬。尙多承襲。而未及改正。俟暇日讀之。稍加參訂焉。乾隆甲寅三月下澣。郡後學黃丕烈識。

右菰中隨筆三卷。顧亭林山人著。與玉虹樓所刊本不同。丁巳長夏。見於吳門書肆。亟以重價購歸。藏諸行篋。以徵余有志願學之雅。近日海內文人。惟道州何子貞太史。爲顧祠領袖。惜養疴田園。不復有東山再起志願。漢陽

葉潤臣閣讀。聞尙供職鳳池。他日得入都門。當取此冊。共相校正。付劄劄氏。與玉虹樓刊本。並傳於世。嘉惠後學。余於葉君有厚望焉。

咸豐丁巳立秋日。顧廬學人曲阜孔憲庚志於滄滄亭寓齋。冊中訛舛之字甚多。錄時祈細校正。以備參考。

是歲冬至後三日。因事之沛南。聞子貞太史。爲雨胎大中丞。延主溧源書院。亟往訪謁。而子貞又赴浙江。省問弟疾。明春二月方旋。見哲嗣慶涵。儒雅恂恂。克綿世業。談及此冊。乞錄副本。因譏數語而假之。丁巳冬至後八日辛卯。經之再記。

經之弟自吳門。購得此本。携至京師。衍聖公邸。因得校讀一過。較玉虹樓刻本。大有不同。可以互相考訂。不妨授之梓人。與玉虹本。並傳海內也。經之即之秦中。恩恩書此以識之。咸豐戊午秋九月曲阜孔憲彝。

咸豐戊午秋七月。漢陽葉名灃借觀錄副。

咸豐丁巳冬至後十日。道州何慶涵借錄一過。時在濟南溧源書院。

徵書啓錄後

東吳顧寧人炎武。馳聲文苑。垂三十年。其高祖刑科給事中諱濟。累疏直言。載在武世二廟實錄。曾祖南京兵部右侍郎諱章志。歷任藩臬京兆。及掌南兵。疏更船政。蘇軍衛二百年之困。本生祖左春坊右贊善諱紹芳。嗣祖文學諱紹芾。兄孝廉諱綱。並以詩文爲海內所宗。嗣母王氏。未嫁守節。奉旨旌表。及聞國變。不食而死。天下稱爲貞烈。寧人年十四爲諸生。屢試不遇。繇貢士兩薦授樞曹。不就。自嘆士人。窮年株守一經。不復知國典朝章。官方民隱。以至試之行事。而敗績失據。於是盡棄所習帖括。讀書山中八九年。取天下府州縣志書。及一代奏疏文集。編閱之。凡一萬二千餘卷。復取二十一史。並實錄。一一考證。擇其宜於今者。手錄數十帙。名曰天下郡國利病書。遂遊覽天下山川風土。以質之當世之大人先生。昔司馬子長徧游四方。乃成史記。而范文正自秀才時。以天下爲已任。若寧人者。其殆兼之。今且北學於中國。而同方之士。知寧人者。敬爲先之以言。冀當世之大人先生。觀寧人

之文。以察其志。而助之聞見。以成其書。匪直一家之言異同。天下生民之福。其必由之矣。

同學王 潢 陸 圻 吳任臣 王錫闡

顧有孝 顧夢麟 黃師正 王猷定

歸 莊 潘樞章 楊 彝 楊 瑀

方 文 張 懋 吳 炎 湯 護

萬壽祺 丁雄飛 毛 駉 陳濟生啓

亭林著書目錄

古晉表三卷、易晉三卷、詩本音十卷、唐韻正二十卷、音論三卷、以上統名音學五書、五書刻於滄上、後為張力臣購

於安溪李公、日知錄三十二卷、補遺四卷、潘稼堂先生携至閩、申同汪晦菴先生刻左傳杜解補正三卷、符憲張又南九經誤字一

卷、石經考一卷、金石文字記六卷、吳才老韻補正二卷、昌平山水記二卷、文集六卷、詩集五卷、以上

六種潘稼堂先生捐贊刻二十一史年表十卷、天下郡國利病書一百卷、歷代宅京記二十卷、十九陵圖志六卷、

萬歲山考一卷、肇域記一百卷、岱嶽記八卷、北平古今記十卷、建康古今記十卷、營平二州史事六

卷、菴錄十五卷、詩律蒙古一卷、救文格論一卷、下學指南一卷、當務書六卷、菴中隨筆三卷、官

田始末考一卷、京東考古錄一卷、山東考古錄一卷、嘉廟諒闇記一卷、聖朝記事一卷、譎觚十事一

卷、顧氏譜略二卷、以上二種潘稼堂刻

繕寫書目、已刊者不贅

先給事思軒公諫垣疏一卷

先司馬觀海公船政疏一卷

先贊善學海公寶菴集十二卷

誥敕祭文神道碑錄誅行狀五卷

歲丙子，不肖衍生于舊篋中，檢得此本，讀之泫然。因追想當年，多所不符。丁亥冬，於宛陵旅舍出而錄之。蓋不肖從先子遊於北土，已歷數年，趨庭之暇，當見手稿名目。壬戌之春，先子卒於曲沃，其稿為徐健翁諱乾立翁諱文兩公取至都中，不克常見，乃從諸友處攔撫一二。後潘稼翁諱來謝任家居，往謀刻之。慨許數種，復於其家繕寫別本以歸。全稿俱留東海，當續寫以俟將來。冀當世之大人先生俯賜劑，則一二則幸甚。

不肖男衍生謹跋

林佚詩

按右目所舉外，尚有唐宋韻補異同、海道經、經世篇卷十二、明季實錄、營平二州地名記、聖安紀事、求古錄、亭林餘集、亭林佚詩、通為四十七種。檢彙刻及專刻外，凡未經刊行者，為二十一。史年表、十九陵圖志、肇域志、岱嶽記、北平古今記、建康古今記、營平二州史事、弗錄、下學指南、當務書、官田始末考、慕廟諒閣記、唐宋韻補異同、海道經、經世篇各書。而此菰、中隨筆、及詩律、豪告亦其一也。安得有大力者，奮發闕願，廣徵同志，遍蒐遺稿，付諸梨棗，匯成鉅編，如曾湘鄉之刻船山遺書，斯亦不世之鴻業。其闡揚學術，沾溉儒林，為功於後人，豈不偉哉。

